

COMMUNICAZIUN A LAS MEDIAS

Landquart, ils 27 da schaner 2025

Terminà la renovaziun da l'Ovra electrica fabrica da palpiri

Dapi passa 100 onns vegn l'aua dal Mühlebach a Landquart duvrada en in'ovra electrica a dus stgalims per producir electricità. Repower ha renovà l'Ovra electrica fabrica da palpiri 2 per 1,6 milliuns francs. L'ovra electrica ha ina producziun media annuala da var 3,8 uras gigawatt.

Per lung dal Mühlebach a Landquart è sa furmà cun la «Handelsmühle Landquart» la fin dal 19avel tschientaner in dals emprims manaschis gronds industrials dal chantun Grischun. Curt suenter la midada dal tschientaner han ins construì en il medem lieu ils dus stgalims da l'Ovra electrica fabrica da palpiri 1 e 2. Repower ha surpiglia il 2013 ils dus implants idraulics da la Lanquart AG.

Il segund stgalim ha Repower renovà ils davos mais per totalmain 1,6 milliuns francs e preparà uschia per in manaschi fidà a lunga vista. En il rom da la renovaziun han ins tranter auter revedì la turbina ed il generatur. En pli han ins remplazzà l'entira tecnica secundara incl. la distribuiziun da bassa tensiun.

Il mantegniment d'ovras electricas renovablas stat en accord cun la strategia da Repower

L'Ovra electrica fabrica da palpiri 2 producescha var 3,8 uras gigawatt ad onn. Questa quantitat d'electricità cuvra il basegn da circa 850 chasadas ordinarias (consum annual da 4'500 kWh) ad onn. La renovaziun da l'Ovra electrica fabrica da palpiri stat en accord cun la strategia da Repower. Quella prevesa d'augmentar la producziun d'energia regenerabla, ma surtut era da mantegnair las ovras electricas renovablas existentas.

Contact

Stefan Bisculm

manader post da medias

t +41 81 423 78 73

m +41 79 372 77 76

stefan.bisculm@repower.com

Quai è Repower

L'interpresa Repower è dapi 120 onns activa sco producenta d'electricidad, manadra da la rait da distribuziun e commerzianta d'energia. Ses martgads-clav èn la Svizra e l'Italia. La sedia principala sa chatta a Poschiavo. Ulteriuras filialas ha ella a Bever, Glion, Küblis, Landquart, Turitg e Milano. Repower è activa lung l'entira chadaina da valurisaziun da l'electricidad, da la produenziun sur il commerzi fin a la distribuziun e la vendita, ed er en la fatschenta da gas. Repower è la pli gronda interpresa da provediment d'energia en il chantun Grischun, nua ch'ella posseda e gestiunescha pliras ovras idraulicas. En l'Italia è Repower ina da las pli grondas furnituras d'electricidad e da gas per interpresas. Il portfolio da l'interpresa en l'Italia cumpiglia plirs parcs da vent e parcs solars ed in'ovra electrica cumbinada cun gas. Mantegnair ed amplifitgar las energias regenerablas è ina part integrala da la strategia da Repower. Quai vala era per il svilup persistent da l'interpresa en ils secturs economia, societad ed ambient.